

WYNONAH LOEWEN

Want es Aunbädunk?

HAUNTBUAK



LW

Want es
Aunbädunk?

HAUNTBIAK

WYNONAH LOEWEN

Enhault

Lekzion 1

Woosoo Aunbäden? 1

Lekzion 2

De Jeschicht von Aunbädunk 6

Lekzion 3

Aunbädunk es een Veheltnis 11

Lekzion 4

Heilja Jeist & Aunbädunk 15

Lekzion 5

Daut Bewies von Aunbädunk 18

Lekzion 6

De Schepfunk Bät Dän Schepfa Aun 22

Waut Es Aunbädunk?

Vääwuat

Aunbädunk es eene sea wieetvolle un besondre Erfoarunk, waut Gott jeplont haft fa jiedren eenen to beläwen. Daut es eene perseenliche Jemeenschoft tweschen die un Gott! Wann wie Aunbädunk iernst nämen, haft daut de Krauft ons Läwen gaunz too veendren. Aunbädunk es uk soo aus eene Reis, en onse perseenliche Jemeenschoft met Gott. Du best en-jeloden opp dise Reis!

LEKZION 1

Wosos Aunbäden?

Waut meent Aunbädunk?

1. Poat von dien Läwen
2. Bäden
3. Sinjen
4. Am lowen un preisen
5. Un noch väl mea

Aunbädunk es eene
Jeläjenheit un eene Enlodunk
daut to beläwen, waut Jesus fa
ons jeräakjent haft.

- A. De besondre Djinj, dee wie fa Gott doonen wellen,
fangen doamet aun, daut wie een Läwen von Aunbädunk
haben.

1. Chronik 16:23-27

„Lot de Menschen von de gaunze leed, fa däm Harn sinjen, un moakt aule Dach bekaunt daut Hee rat! Vetalt de Velkja woo harlich Hee es, un aule Velkja von Siene Wunda! Wiels de Har es groot un sea to lowen, un mea to ferchten aus aule Jetta. Aule Velkja äare Jetta sent doodje Jetta, de Har oba haft dän Himmel jemoakt. Huage Pracht es runtom Am, von Macht un Freid es Siene Woninj voll.“

Kolossa 3:16

„Lot Christus Sien Wuat rijklich mank junt wonen. Belieet un halpt eenā dän aundren en aule Weisheit. Sijnt von een dankboaret Hoat Psalmen un jeistliche Leeda, Gott to ieren.“

- B. Wie aus Menschen sent jemoakt, toom Gott lowen un preisen. Daut es daut gaunz ieeschte Dinkj waut Hee von ons well en onse Jemeenschoft met Am.

Psalmen 33:1-3

„Freit junt em Harn , oo jie Jerajchte! De Fromme sellen Am lowen. Loft dän Harn met Hoapenspell un spält Am eene Mellodie opp eene Hoap met tieen Seiden. Sijnt fa Am een nieet Leet; spält scheen un schriet ut Freiden.“

- c. Aunbädunk es waut wie en jieeda Poat von ons Läwen doonen, nich bloos enne Kjoakj.

Psalmen 35:28

„Un miene Tung saul von Diene Jerajchtichkjeit räden un Die dän dachäwa lowen.“

Psalmen 145:21

„Ekj well dän Harn lowen. Lot aules waut Odem haft emma un eewich Sienen heiljen Nomen lowen.“

Waut es Aunbädunk?

1. Aunbädunk es **perseenlich** un **fa jieda Persoon**.
2. Aunbädunk es een **Veheltnis**.
3. Aunbädunk es **Leew bewiesen**.
4. Aunbädunk es **Krauft**.
5. Aunbädunk es **Jebäd**.

Waut es Aunbädunk nich?

1. Aunbädunk es **nich toom aufwiesen**.
2. Aunbädunk es **nich waut, waut sestwää fa die doonen kaun**.
3. Aunbädunk haundelt sikj **nich om Rääjlen foljen**.
4. Aunbädunk es **nich diene Jefeelen**.
5. Aunbädunk **recht** sikj nich no diene Omstend.

WIE BÄDEN GOTT AUN,
NICH WÄAJEN „WAUT“ HEE JEDONEN HAFT FA ONS,
OBA WÄAJEN „WÄA“ HEE ES.

F R O A G E N :

1. Waut jleefst du es Aunbädunk?

2. Es Aunbädunk een Poat von dien perseenlichet Läwen? _____

Wan Jo, woo lat daut en dien Läwen?

Wan Nä, waut helt die trigj?

Jebäd:

GOTT, MOAK MIENE UAGEN OPP, DAUT EKJ MEA VON DIE MUCHT SEENEN, OM
DAUT EKJ KAUN EEN HOAT VON AUNBÄDUNK HABEN. AMEN.

Schriew hia han, want opp dien Hoat es.

LEKZION 2

De Jeschicht von Aunbädunk

Biespels von de Bibel

1. Jericho (Josua Kapitel 6)
2. De Psalmen
3. „Ekj woa vom Harn sinjen; Hee haft waut Groosoatjet jedonen;“
2. Mose 15:1
4. De Jeschicht von Nehemia (Daut Buak von Nehemia)
5. Gaunz derch de Bibel

Aunbädungs Stiele

A. Kjoakjenleeda (Hymns)

- i. Aunbädunk es noch vom Aunfank aun jewast, oba Aunbädunk, soo aus wie daut kjanen, funk em 17. Joahundat enne Reformazions Tiet aun. Daut sent de Kjoakjenleeda, wuamet wie goot bekaunt sent.
- ii. Aus dee Leeda jeschräwen worden, wia daut uk waut sea Oppfaulendet, daut Menschen wudden aundre Leeda schriewen un sinjen, aus waut see noch von emma jekjant hauden.

B. Evangeliums Musikj (Gospel Music)

- i. Funk em 18. Joahundat aun.
- ii. Kjeem ut de Kjoakjenleeda rut.

C. Preis & Aunbädunk (Praise & Worship)

- i. Funk enne 1940 aun.

- ii. Sea väl junge Menschen fungen Jesus un bekjeeeden sikj. See vesochten derch Leeda noch mea Persoonen to errieekjen.

D. Vondoagsche Aunbädunk (Modern Worship)

- i. Funk enne 1990ja Joaren aun.
- ii. Funk aun met en poa sea bekaunde Gruppen.
- iii. Derch Technologie wort daut op, daut Kjoakjen, Gruppen, ooda eenselne Persoonen niee Leeda schriewen kunnen, von waut Gott opp äare Hoaten läd.

GOTT HAFT EMMA WAUT NIEET, WAUT HEE DOONEN WELL.

HEE BLIFT EMMA BIEM RÄDEN.

**DEE GRUNTSAUZEN VON AUNBÄDUNK WOAREN EMMA ÄWAREEN
BLIEWEN, OBA DEE AUNBÄDUNGS STIEL WOAT EMMA ENDREN,
WÄAJEN GOTT EMMA WAUT NIEET DEIT.**

Psalmen 149:1

„Haleluja! Sijnt een nieet Leet fa dän Harn , Am to lowen en de Vesaumlunk von de Heilje.“

Jesaja 42:10a

„Sijnt een nieet Leet fa däm Harn, un preist Am opp de gaunze leed,“

Psalmen 96:1-2

„Sijnt däm Harn een nieet Leet väa; sijnt fa dän Harn , de gaunze Welt. Sijnt fa dän Harn un loft Sienen Nomen. Rät aule Dach von woo Hee raden deit.“

Psalmen 145:4

„Eene Jennerazion no de aundre woat Diene Woakjen väalowen; dee woaren von Diene jewaultje Woakjen räden.“

F R O A G E N :

1. Kjikj trigj no dien Läwen. Woon Leet haft to eene bestemde Tiet, deep to die jerät?

2. Waut von nieet Dinkj deit Gott en dien Läwen kjrakjt nu?

3. Woon Leet haft enne lotre Tiet to die jerät? (Wan die nich eent biefelt, dan es nu eene goede Tiet, toom no eent sieekjen.)

Jebäd:

GOTT, HALP MIE TO VESTONEN, WAUT DU ÄWA AUNBÄDUNK DENKJST. LIA MIE JIEDA DACH DOARENN TO LÄWEN. AMEN.

Schriew hia han, want opp dien Hoat es.

LEKZION 3

Aunbädunk es een Veheltnis

Aus Christen kjenn wie Jemeenschoft haben met Gott derch Aunbädunk. Daut es eene Jemeenschoft tweschen die un Gott, sea soo aus eene Jemeenschoft tweschen die un een Frint, ooda dien Ehepoatna.

WAN WIE LEEW HABEN FA JESUS, DANN WOA WIE AM UK AUNBÄDEN.

Lukas 10:27

„Hee säd: „Du saust Gott, dienen Harn, von gaunzem Hoat, von gaunze Seel, met aul diene Kjraften, un aul diene Jedanken goot sennen, un dien Näakjsten saust du soo goot sennen aus die selfst“.“

GOTT SIENE TROONSTOW ES NICH BLOOS EM HIMMEL, DEE ES UK EN ONS HOAT.


Waut helt mie trigj von dit Veheltnis met Am?

A. Twiewel

- i. Ekj feel mie daut nich wieet.
 - a. Wie sent daut aula nich wieet. Bloos derch Jesus sent wie wirdich.
- ii. Ekj hab jesindicht.
 - a. Aunbädunk es eene goede Tiet, toom noda no Am kommen.

B. Jlikjjeltichkjeit

- i. Ekj feel mie soo, daut moakt kjeen Unjascheet.
- ii. Waut Jesus fa ons jedonen haft, kost Am sea väl. Wie sullen daut goot äwrich haben, Am auntobäden.
- iii. Aunbadunk es mea aus een Jefee.
- iv. Bliew biem aunbäden. Daut moakt een Unjascheet.



Jesus...

- A. Dien **Frint**
- B. Dien **Rada**
- C. Dien **Heela**
- D. Daut **Licht von de Welt**

Psalmen 103:1-5

„Eent von David siene Psalmen. Low dän Harn , oo miene Seel, un met aulem waut ekj sie, low Sienen heiljen Nomen! Low dän Harn miene Seel, un vejat nich waut Hee die Goodet jedonen haft; Dee die aul diene Sinden vejeft, un aul diene Krankheiten heelt, Dee dien Läwen vom Vedoawen rat, un met Jnod un Metleet ktreent, Dee dien Velangen met Goodet tofräd stalt, soolang aus du läfst, daut du wada junk un stoakj woascht aus een Odla.“

F R O A G E N :

1. Best du twiewlich äwa Aunbädunk? Wan jo, wuarom?

2. Best du jlikjeltich äwa Aunbädunk? Wan jo, dan denkj trigj aun waut Gott Siene Jnod fa die jedonen haft.

Jebäd:

JESUS, DANKSCHEEN FA MIEN FRINT, MIEN HEELA UN MIEN RADA SENNEN. DU
BEST DAUT LICHT VON DE WELT. AMEN

Schriew hia han, want opp dien Hoat es.

LEKZION 4

Heilja Jeist & Aunbädunk

A. Heilja Jeist...

- i. Dien **Treesta**
- ii. Dien **Seelsorja**
- iii. Dien **Vemedla**
- iv. Hee **steit enn fa die**
- v. Dien **Leida**
- vi. Dien **Liera**

B. Du kaust uk aunbäden wan du...

- i. Jebrääkjen best
- ii. Lieden deist
- iii. Truaren deist
- iv. Enjstlich best
- v. Die grulst
- vi. Bedrekjt best

HEILJA JEIST ES LEEFTOLICH UN SAUNFT

Filippa 4:7

„Un Gott Sien Fräd, dee wiet äwa aules jeit waut Menschen vestonen kjen-
nen, woat june Hoaten un Jedanken en Christus Jesus bewoaren!“

F R O A G E N :

- Denkj trigj aun eene Tiet en dien Läwen, wua du derch waut Schwoaret
jinjst, un Heilja Jeist to die räd derch een Leet.

- Nan een Biespel opp von dän Heiljen Jeist Siene Leeftolichkeit en
Aunbädunk.

Jebäd:

HEILJA JEIST, DANKSCHEEN FA DÄN FRÄD UN DÄN TROOST WAUT DU MIE JEFST,
UN FA DAUT DU MIE JIEDA STOOP VON DÄN WAJCH LEITST. AMEN

Schriew hia han, want opp dien Hoat es.

LEKZION 5

Daut Bewies von Aunbädunk

DAUT BEWIES VON AUNBÄDUNK ES NICH DE HAUPTPUNKT,
OBA DAUT ES EEN SEA WICHTJET POAT VON AUNBÄDUNK.

Psalmen 81:2a

„Sijnt met Freid to Gott, en Däm onse Krauft steit.“

Bewies von Aunbädunk:

A. Henj opphäwen

- | | |
|----------------|--------------------------------------|
| i. Jehuarsom | v. Kjrieen |
| ii. Hanjäwen | vi. Halpt, daut dien
Kjarpa nolat |
| iii. Siech | vii. Brinjt Endanis
em Hoat |
| iv. Loos loten | |


WAN DU JESUS BELÄFT HAST, UN WAUT HEE FA DIE JEDONEN HAFT
PERSEENLICH JEWORDEN ES, DAN KJEMT AUNBÄDUNK UN
DAUT BEWIES DOAVON MEIST FA SELFST.

B. Uagen toomoaken

- i. Weinja Auflenkjungen
- ii. Du kaust bäta en dien Hoat nenkjikjen
- iii. Du kaust Heilja Jeist Siene Stemm bäta hieren
- iv. Du aunerkjanst, daut daut es perseenlich, tweschen die un Gott

c. Woo wie ons Kjarpa hanstalen

- i. Op hanjestalt
- ii. Kjneen
- iii. No hech kjikjen
- iv. No hech langen
- v. Kjraftich sinjen
- vi. Klautschen un Hupsen
- vii. Stonen



Psalmen 150:2

„Loft Am fa Siene jewaultje Woakjen; loft Am en Siene groote Harlichkjeit!“

F R O A G E N :

1. Waut helt die trigj von Aunbädunk kjarpalich bewiesen? (Feel die nich schlajcht, wan sikj daut aum Aunfank noch framd feelt. Daut es normal.)

2. Sat die eene Tiet von perseenliche Aunbädunk tosied, un wäl die eent ooda en poa Dinj von waut wie en dise Lekzion jerät haben, un proow de mol!

Jebäd:

GOTT, EKJ HAB MIE TRIGJ JEHOOLEN, OBA WÄAJEN EKJ DIE BELÄFT HAB, WELL
EKJ DIE MIENE LEEW BEWIESEN. HALP MIE TO WAUSSEN, EN WOO EKJ MIENE
LEEW TO DIE BEWIESEN DOO. AMEN

Schriew hia han, waut opp dien Hoat es.

LEKZION 6

Dee Schepfunk Bät Dän Schepfa Aun

Openboarunk 4:11

„Du best daut wieet, oo Har, Harlichkjeit un lea un Krauft to nämen, wiels Du aules jemoakt hast. Derch Dienen Wellen es aules doa un jemoakt worden.“

Openboarunk 14:7b

„Un bät Dän aun, Dee Himmel un leed un Mää un de Wotakjwalen jemoakt haft!“

Psalmen 148:3-4

„Sonn un Mon, loft Am; aul jie schienende Stierns, loft Am! Low Am du hechsta Himmel, un jie Wotasch bowa de Himmel!“

A. Biespels

- | | | | |
|------|-----------|-------|---------|
| i. | Waulfesch | viii. | Pieed |
| ii. | Stierns | ix. | Boaj |
| iii. | Walen | x. | Rääjen |
| iv. | Beem | xi. | Rummel |
| v. | Bloomen | xii. | Wint |
| vi. | Vääjel | xiii. | Näwel |
| vii. | Wolkjen | xiv. | Eewasch |

DEE SCHEPFUNK BÄT DÄN SCHEPFA AUN!

WIE SENT JEMOAKT, TOOM GOTT AUNBÄDEN.

Wie sent daut wichtigste Poat von Gott Siene Schepfunk.

Siene Unjaschreft es aun ons Hoat.

Uasoaken Am auntobäden:

- A. Hee endat niemols
- B. Siene Jedanken äwa ons sent goot
- C. Hee set opp dän Troon
- D. Hee es niemols schlajcht jesonnen
- E. Siene Harlichkjeit woat nich vegonen
- F. Sien Rikj haft kjeen Enj
- G. Siene Jnod rieekjt fa emma
- H. Hee es deeselwja jistren, vondoag, un morjen
- I. Hee haft sea väl jedonen fa ons.
- J. De Schepfunk wiest no Am.

**WÄAJEN HEE NIEMOLS ENDAT, SULL ONSE AUNBÄDUNK
FA AM NIEMOLS OPPHIEREN.**

Psalmen 145:1-13

„Een Psalm von David, sienen Gott to lowen. Ekj woa Die lowen, mien Gott, oo Kjennich, un emma un eewich Dienen Nomen lowen. Ekj well Die aule Dach säajnen un emma un eewich Dienen Nomen lowen. De Har es groot un sull opp daut aulahechste jeloft woaren. Woo groot Hee es, kaun kjeena utspräakjen. Eene Jennerazion no de aundre woat Diene Woakjen väalowen; dee woaren von Diene jewaultje Woakjen räden. Ekj woa äwa Diene harlich scheene Pracht un äwa Diene Wundawoakjen nodenkjen. Dee woar-

en aula von dee Krauft un Diene Wundawoakjen räden, un ekj woa vetalen waut Du Grootet jedonen hast. Dee sellen doafää sorjen, daut et niemols vejäten woat, woo goot Du best, un met Freid sinjen, von woo jerajcht Du best. De Har es voll Jnod un Metleet, sea jeduldich un rikj aun truhoatje Leew. De Har es to aulem goot, un Sien Metleet rieekjt äwa aules, waut Hee jemoakt haft. Aul Diene Woakjen, oo Har , woaren Die danken. Aul Diene Heilje woaren die lowen. Dee woaren von Dien harlichet Kjennichrikj un von Diene Jewault räden, soo daut aule Menschen von Diene jewaultje Woakjen un de harliche Pracht en Dien Kjennichrikj weeten. Dien Rikj es een eewjet Rikj, un Diene Harschoft hieet niemols opp. Opp däm Harn kjenn wie ons veloten. Hee helt aules waut Hee vesproaken haft un jeit met aulem, waut Hee jemoakt haft, leeftolich om.“

WAN DE SCHEPFUNK AM AUNBÄT, DAN WOA EKJ UK!

F R O A G E N :

1. Woon Dinkj sitst du enne Natua waut doa Gott aubät?

2. Aus daut wichtigste Poat von Gott Siene Schepfunk, woo woascht du Am aubäden?

3. Nu, daut du derch dise Klaus derchjegonen best, waut meent Aunbä-dunk fa die?

Jebäd:

GOTT, DANKSCHEEN FA WAUT EKJ HAB KUNT LIEREN ÄWA AUNBÄDUNK. DANKSCHEEN, DAUT DU MIE JEMOAKT HAST TOOM DIE AUNBÄDEN. EKJ FROAG OM VEJÄWUNK, FA AUL DEE TIEDEN WUA EKJ MIE HAB TRIGJ JEHOOLEN, VON DIE AUNTOBÄDEN, UN EKJ SIE EENDOONTICH OODA STOLT JEWAST. EKJ KOM NU NO DIE, UN EKJ WUNDA MIE ÄWA WÄA DU BEST, UN EKJ FREI MIE WIEDA MET DIE TO GONEN. EKJ FROAG, DAUT DU MIE WUSCHT LEIDEN UN FIEREN, WÄARENT EKJ LIA DIE AUNTOBÄDEN. AULE IEA TRAFT DIE! EN DIENEN HEILJEN NOMEN, AMEN.

Schriew hia han, want opp dien Hoat es.



Wynonah Loewen haft fa soo lang aus see sikj denkjen kaun, een Hoat fa Aunbädunk jehaut. Eent von äare baste Dinj to doonen aus see oppwoss, wia opp Famieljen Toopkomnis met äare Famielje toop sinjen, un äare Mame un Tautes lieeden ar to harmonieren. Aunbädunk wia een wichtjet Poat von äare Famielje äa Läwensstiel. See sach von kjlien aun, woo äare Elren daut utläwden. Dit bleef emma en äa Hoat setzen, un daut holp ar sikj enn äare Jugentjoaren to entwekjlen, aus äare Aunbädungs Reis sea perseenlich wort to ar.

ENN ÄARE AUNFANGS TWINTJAGOAREN WORT SEE POAT VON LW JUGENT AUNBÄDUNK, UN BOOLT DOAROPP UK VON LW AUNBÄDUNK. AUS OABEIDA BIE LEBENSWASSER KJOAKJ, SCHAUFT SEE EN DEE AUNBÄDUNGS- UN METHALPA AUFDEELUNGEN ENNE KJOAKJ. AUS EENT VON DE LEIDASCH VON LW JUGENT AUNBÄDUNK UN VON LW AUNBÄDUNK, JEIT AR DAUT SCHEEN, AUNBÄDUNK TO LEIDEN, OBA SEE INTRESSIEET SIKJ UK, AUNDRE TO HALPEN SIKJ TO ENTWEKJLENENN AUNBÄDUNK. SEE SIT WAUT VON GROOTA UNJASCHEET AUNBÄDUNKENN ÄA LÄWEN JEMOAKT HAFT, AUS SEE DERCH GROOTA VELUST UN SCHWOARE TIEDEN JINKJ, UN DOAWÄAJEN ES SEE SEA BEKJEMMAT, AUNDRE TO HALPEN SELFSTENN EEN LÄWEN VON AUNBÄDUNK NENN TO STAUPEN. SEE JLEEFTHAUT GOTTE WELL, DAUT JIEDA PERSOON DIT HAFT.

DERCH DISE KLAUSSEN WOASCHT DU DEE JELÄAJENHEIT KJRIEEN, MEA ÄWA DIT TEEMA TO LIEREN. MUCHT GOTTE DIE SÄAJNEN, WÄARENT DU DEEPÀ ENN DISE WUNDASCHEENE JEISTLICHE SELBSTZUCHT NENSTAUPST!